



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

276. De jejuniis rogationum.

urn:nbn:de:hbz:466:1-14622

dominica coram Presbytero decantet ; & ut Presbyter omnibus patrinis annuntiet quod debitores sint suis filiis , cùm ad intellegibilem ætatem venerint , hæc eadem insinuare.

Ex Capitularium lib. II.

Concil. Mogunt. sub Kar. M. c. 47. Lib. 2. Capitular. c. 39.

CCLXXIII. Præcipimus ut unusquisque compater & proximi spirituales filios suos catholicè instruant. [*Vide Capitulare Ahytonis Episcopi Basileensis cap. 18. item Capitulare ejusdem cap. 25. in to. VI. & VIII. Spicilegii Dacheriani.*]

Ex eodem, cap. XLIX.

Concil. Arelat. 6. c. 19. Lib. 2. Capitular. c. 46.

CCLXXIV. Ut parentes filios suos, & patrini eos quos de fonte suscipiunt, erudire summopere studeant ; illi, quia eos genuerunt & eis à Domino dati sunt ; & isti, quia pro eis fidejussores extiterunt.

De Letania majore. Ex Concilio Moguntiacensi.

Concil. Mogunt. sub Kar. M. c. 33. Lib. 5. Capitular. c. 86. Burchard. lib. 13. c. 6. Vide Concil. Aquisgr. anni 836. c. 10.

CCLXXV. Placuit nobis ut letania major observanda sit à cunctis Christianis die septimo Kalend. Maij, sicut legendo reperimus, & sicut sancti patres nostri constituerunt, non equitando, non pretiosis vestibus induti, sed cinere respersi, & cilicio induti, nisi infirmitas impederit.

De jejunio rogationum.

Burchard. lib. 23. c. 7.

* *Editio Helmsstad. infestarentur*

CCLXXVI. Cùm exigentibus peccatis Galliarum populi luporum rabie acriter interimerentur, nec hujus flagelli aliquod remedium invenire possent, congregati tra-

duntur Galliarum Episcopi apud Viennam urbem, atque in commune statuerunt ut tri-duanum jejunium facerent. Cùmque Dominus pestem misericorditer abstulisset, hi dies in consuetudinem annuæ celebritatis venerunt, ut per Galliarum provincias ante Ascensionis Domini diem celebrarentur. Agamus & nos hos dies cum summa reverentia & devotione, cum abstinentia carnis & humilitate cordis: non ut visibilium luporum rabiem evadamus, sed ut invisibilium, id est, spirituum immundorum, tentamenta vincere valeamus. Nullus autem his diebus vestimenta pretiosa induat, qui in sacco & cinere lugere debemus. Prohibeantur ebrietates & comestiones que sunt in vulgari plebe. Nemo ibi equitare præsumat, sed discalciatis pedibus omnes incedant. Nequaquam mulierculæ choreas ducant, sed omnes in commune Kyrie eleyson decantent, & cum contritione cordis Dei misericordiam exorent pro peccatis, pro pace, pro peste, pro conservatione frugum, & pro ceteris necessitatibus. Dies enim abstinentiæ sunt, non lætitiæ.

De jejunio quatuor temporum. *Ex Concilio Mogontiensi.*

CCLXXVII. Constituimus ut quatuor tempora anni ab omnibus cum jejunio observentur, id est, in Martio hebdomada prima, in Junio secunda, in Septembri tertia, in Decembri quarta, quæ fuerit plena ante vigiliam Natalis Domini, id est, feria quarta & sexta & sabbato. Veniant omnes ad Ecclesiam hora no-

I ij

Vide Alcuin.
c. 20. divi-
nor. officior.
& Vvalafr.
Strab. c. 28.
de reb. eccles.

Vide Cæsar.
Arelat. hom. 1.
37.

Concil. Mo-
gunt. sub Kar.
M. c. 34.
Lib. 5. Capi-
tular. c. 86.
Burchard. lib.
13. c. 2.